

十六國春秋輯補一



十六國春秋輯補

一

湯球撰

中華書局

十六國春秋輯補

二

湯球撰

中華書局

中華書局

十六國春秋輯補

三

湯球撰

十六國春秋輯補

四

湯球撰

中華書局

叢書集成初編

十六國春秋輯補 四册

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘二〇九二毫米三十二分之一

統一書號：一七〇一八·一五一

十六國春秋輯補

此據史學叢書本
排印初編各叢書
僅有此本

十六國春秋輯補敘例

崔鴻十六國春秋。霸史也。然善惡興滅之形。用兵乖合之勢。亦足以垂將來。昭明勸戒。惜其不傳也久矣。故隋唐以後。皆不著錄。明屠喬臻本自是僞誤。而采錄繁富。知寢饋此書有年。第務爲誇多。凡關十六國者。一概收入。豈惟無徵不信。亦似太乏剪裁。蓋不但諸小記。如鄭中記之類。不宜入此。卽如魏書所載。與諸國交爭。每張大其詞。何與於十六國而載之。鴻本傳云。鴻以其書與國相涉。言多失體。不妄。則豈有此。且通鑑攷異。明云。魏書如此。十六國春秋如此。乃不錄原書。而偏從魏書寫出。何哉。又鴻本傳稱刊十六國遺載。爲之序贊。褒貶評論。贊則各書所引。崔鴻曰。是豈宜夾行寫之。以爲注。序則篇首略論其生平。及後總序其事。或間爲褒貶之論者。是。行書諸傳記。納如此。乃以總序之事。割附每年之下。所評論處。以爲虛文而刪之。亦殊不知體制矣。采摭雖繁。而本書之引於羣書者。反多失檢錄。其餘。以前爲後。以後爲前。二事合爲一事。二人并作一人。錄中或多二三年。或少一二年。差謬難屈。殊於心不憚。因取纂錄本及晉書傳記及原書之散見於諸書者。別爲輯本。編纂雖不及屠詳。而采集要信而有徵。惟慚所見諸類書有限。而舛漏實多。重冀大人先生。證其誤而補其闕焉。

一此本以纂錄爲底本者。蓋纂錄雖未知卽崔鴻所纂與否。而與正本同載於隋經籍志。則係當時約本。而爲十六國春秋原文可知。

一此本於纂錄所刪節處。以晉書張軌李嵩等傳及劉淵諸載記補足者。蓋以傳記與纂錄合觀。其刪節之迹可見。且與原書之引於各書者。其字句多同。則知此傳記實采十六國春秋而成。

一此本雖多依晉書傳記錄補。然其所誤。如劉聰二劉后。晉書列女傳與御覽所引互異。則自從御覽所引而不錄晉書。他如李特見殺在太安二年。而以爲元年。李雄卽位國號大成。而以爲改元大武之類不一。亦自從纂錄及見於御覽者錄出。而不錄其誤。

一本傳謂鴻經綜既廣。多有違繆。如太祖天興二年。姚興改號弘始。而鴻以爲改在元年。太宗永興二年。慕容超禽於廣固。鴻又以爲事在元年。太常二年。姚泓敗於長安。鴻亦以爲滅在元年。是皆原誤之文。推上一年。觀纂錄及參諸傳記。雖皆有迹可尋。亦不必依譌傳譌。以復其初。強分百卷者。不過略存梗概而已。

一此本編年。則以纂錄爲主。而稽之晉書傳記。以補其闕。初意亦以晉書不錄其年月。疑其有謬。及以甲子排之。自無不合。因依綱目以補年表一卷。以冠於首。

一此本十六國次序。既不從纂錄。前趙·後趙·前燕·前秦·後秦·蜀·前涼·西涼·北涼·後涼·後燕·南燕·南秦·西秦·北秦·南秦·北秦·夏·又前趙·後趙·前燕·前秦·後秦·蜀·前涼·西涼·北涼·後涼·後燕·南燕·南秦·西秦·北秦·夏·者。蓋因魏書本傳謂鴻以劉淵石勒慕容雋苻健慕容垂姚萇慕容德赫連勃勃張軌李雄呂光乞伏國仁秃髮烏孤李嵩沮渠蒙遜馮跋等。各有國書。

未有統一乃譌爲十六國春秋。因此爲前後爾。

十六國春秋輯補

敘例

■

十六國春秋輯補傳

湯君諱球字伯珩。黟縣人。少劬學。從同縣俞先生正變。汪先生文臺游。博通諸經。篤守家法。隱居教授。章句訓故。以鄧氏爲主。諸生舉經義相質。必引據師說。徐下己意。決其異同。無穿鑿。無傳會。宣歙間學者宗之。黟山縣僻小。而士皆潛心經術。實君爲之倡也。其事親以孝聞。父永懿。老病且篤。君謝絕人事。壹意侍疾。衣不解帶者逾數月。父竟獲痊。以老壽終。居喪哀毀盡禮。杖而後起。性耿介。授徒奉親。束脩外不受一無名錢。鄉里敬其清操。亦無敢干以私者。咸豐初。皖中爲賊蹂躪。郡縣承檄練鄉兵。當事者浼君直練局。君自謂非禦侮材。且鄉兵訓練無素。不足辦賊。死非所懼。懼爲賊污耳。遂避地去。後賊果大至。始服君先識高蹈云。君願身長髯。多聞強識。早歲覃精銳思。治疇人學。中西算法。靡不洞曉。尤善天官家言。開元古經。悉能成誦。星緯推步。研究其奧。而不屑以藝事名。亂定後。聚書數千卷。杜門著述。補輯鄭氏逸書九種。孝經論語注。蒐采尤備。並補輯劉熙孟子注。劉珍等東觀漢紀。皇甫謐帝王世紀。譙周古史攷。傅子。伏侯古今注等書。皆前人輯本所未述。又以晉書爲唐所修。房玄齡傳稱。其時史官多文詠之士。好采碎事。競爲綺豔。劉知幾亦言。自貞觀中。更加纂錄。凡所修撰。多聚異聞。言晉史者。皆棄其舊本。迺廣蒐載籍。以補其闕。而糾其譌。謬錄成帙。凡二十三種。曰王隱。虞預。朱鳳。何法盛。謝靈運。臧榮緒。蕭子雲。蕭子顯。沈約。九

家晉書皆正史類也。曰陸機、干寶、曹嘉之、鄧粲、劉謙之、王韶之、徐廣、裴松之、郭季產、九家晉紀。曰習鑿齒、漢晉春秋、孫盛晉陽秋、檀道鸞續晉陽秋、杜延業晉春秋、蕭方三十國春秋、皆編年類也。又輯常璩、和苞、田融、王度、陸倕、范亨、張詮、王景暉、高閏、裴景仁、姚和都、張諮、劉昞、喻歸、車頻、段龜龍等所撰、偏倚各史、而崔鴻十六國春秋百卷爲鉅觀。又補撰年表一卷、校定纂錄十卷、其所刪訂、足正屠本之失。蓋君平生精力、唯此書最深遠矣。又旁輯兩晉詔鈔、晉起居注鈔、庾詵晉朝雜事、張敞東宮舊事、車灌修陵故事、盧繼、八王故事、四王起事、應詹陶公故事、桓元僞事、傅暢晉諸公敍讚、晉公卿禮秩故事、荀綽晉後略記、晉百官表注、晉百官名、寮屬名、杜預律本、賈充晉令、張斐漢晉律序注、摯虞決疑要注、皆典午一代掌故所資。其區宇則輯太康地記、鄴中記、林邑記、凡三種。其言行則輯晉諸公別傳、袁宏名士傳、郭頌世語、裴啓語、林、山公啓事、凡五種。又著錄晉別集三百家、晉文集三百家、皆手自校寫、艸稿具存。至被兵時所燬卷帙、不在此數。其纂述可謂勤且閎矣。同治六年、詔舉孝廉方正、同縣程先生鴻詔、以君行誼自大吏、應其選。而君抗志沖雅、不就一官。以著作終其身。鳴虛、非所稱博文君子者歟。光緒辛卯、廣雅書局刻君所輯十六國春秋、乘恩提點局事、獲預校讐。因據程君所述、事略及譚錄書目、次爲傳、庶以備延閣之采焉。

論曰、史官之替久矣。馬班而後、世重范書、體大思精、歎爲絕作。觀其自敘、亦博采衆家而成。承祚國志、稱良史才、裴世期補而注之、遂以不朽。晉代記載、炳乎蘇林、陸機、干寶、何法盛、習鑿齒、諸賢、大雅宏達、皆有

鑒裁卓然成一家言。唐修晉書始用衆手。貞觀中房玄齡奏令許敬宗、來濟、陸元仕、劉子翼、令狐德棻、李義府、薛元超、上官儀等八人分功撰錄。典著作者多文藻之士。又雜取世說新語以放誕相高。然則子元所譏其事蕪穢。其辭猥雜。異乎記功書過。彰善癉惡者。非過論矣。自太宗著論。總題御撰。新製既出。舊史遂佚。今君於散亡之餘。摺拾叢殘。又兼采霸朝各史。攷覽異同。倘就所錄。刊入史注。必能參覈詳洽。首尾該備。以方世期。又何愧焉。厥緒未竟。墓艸已宿。遺書盈篋。思就湮沒。惜哉。

光緒十有九年歲在尙章大芒駱。陔月華陽王秉恩譔。

十六國春秋輯補書後

自晉政不綱。方輿鼎沸。攘賊神器。僭跨相望。又皆起自胡羯。非我族類。毀裂冠冕。荼毒縉紳。宗社邱墟。生民塗炭。豈天心鍾亂。運厄陽九。故遭其會耶。抑人事有以釀成之也。夫夷夏之防。古今至重要。荒委贊。義在羈縻。自漢魏以來。戎狄降者。多處之塞內。漢光徙先零。光於馮翊。魏武徙武都。氏於秦川。又并州之胡。散居六郡。晉郭欽疏言。百年之後。有風塵之警。則胡騎三日可至。孟津宜以兵威。徙之邊地。江統亦言。宜徙羌出關中。氏還隴右。五部匈奴。申諭發遣。歸其本域。皆不見錄用。是時朝野上下。祖尙虛浮。自望清談。靡然成俗。州郡武備。旣弛。戎政不修。梟雄之材。乘釁而動。固其宜矣。劉淵因部衆之推。假單于之號。控弦數萬。首倡逆謀。李特父子。略陽氏豪。扇動流民。遂盜巴蜀。石勒羯之餘種。苻洪氏之酋長。姚萇。羌之渠帥。迭據關隴。雄視中原。拓跋索頭之裔。稱王於代。慕容鮮卑之族。僭帝於燕。惟涼州張氏。奉晉正朔。終以僻在西陲。爲秦所并。呂光繼起。勢亦不振。自餘諸國。皆非冠裳。夷狄盛則中夏衰。又其勢然也。蓋嘗究其終始而論之。晉武踐祚。本田篡竊。平吳而後。志益驕盈。嗣主昏賤。不堪負荷。受遺顧託。又非親賢。加以女后專朝。台宰尸素。八王構難。同氣推戈。逮乎神州陸沈。舊京燔蕩。王浚土崩於幽薊。劉琨瓦解於晉陽。耆舊衣冠。屈膝戎虜。十州有倒懸之危。四海無中興之望。琅邪篡承大統。假息吳會。畫江自守。經略未宏。桓溫

入關。三輔響應。因小挫衄。輒復返旆。遂使秦中豪傑。翻然改圖。王猛尹緯。甘爲苻姚佐命而不悔。故晉之替。非十六國也。夷甫諸人。固任其責。亦由江表將相。坐失事機。無以收恢復之效也。而論者顧委之於連。何哉。偏霸之興。亦應符讖。然皆傳祚不永。忽就夷滅。蓋任賢則疆。復諫則歷。未有嚴刑峻法。賦役僨與。誅僂大臣。猜忌骨肉。而能卜世長久。寢熾寢昌者。明乎逆取。昧乎順守。斯十六國之所以失耳。夫割據之禍。歷禩逾百。曠覽載籍。前古罕聞。然覆轍相尋。成敗燦列。則又哲后之蓄龜。先民之炯戒。而非可昧焉不察者也。魏崔鴻十六國春秋百卷。敍例一卷。年表一卷。褒貶得失。惜寓勸懲。惜宋元間。其書已佚。明屠氏別撰百卷。虛託鴻名。雜采小說。未足徵信。古黟湯伯玕先生。潛心著述。刺取舊文。輯成是編。並錄晉書載記。列傳。及宋魏兩書。以補其闕。又撰年表一卷。冠晉於首。經緯秩然。十六國先後。敍次一依鴻傳。正其違繆。校其異同。遂使散亡之籍。頓還舊觀。鑒誠以彰。興替足視。非僅拾遺訂墜而已。夫史兼三長。識尤其要。謗固不可穢。亦非宜。本傳稱鴻二世仕江左。故不錄僭晉劉蕭之書。明正統所歸。匪在元魏。今書於諸方僞號。輒繫晉年。牋表闕庭。不遺一字。侵陵則稱入寇。敗績亦曰王師。筆削之間。具存微指。雖非鴻書之舊。然約而不猥。博而不僨。綱舉而目張。意內而言外。即謂鴻書至今存可也。嗚呼。當晉太康時。君相溺於宴安。狃於全盛。氏羌戎狄。雜處中國。有履霜堅冰之漸。而不知戒。同積薪厝火之勢。而不知懼。一旦禍起。遂成橫流。內訌外潰。不可遏止。而承其弊者。又或玩寇喪師。無撥亂反正之具。至使銅駝沒於荆棘。鐘虜淪於

腥羶國步陵夷。卒以不振。然則千載而下。思患預防。可不於是編三復之哉。光緒壬辰涂月。陽湖吳翊寅。

十六國春秋輯補年表

丁未	丙午	乙巳											
八年	七年	武帝 太康 六年						晉					
								趙前					
								趙後					
		四	寇	稱	嗣	子	至	單	解	歸	容	初	燕前
		寇	公	位	儗	是	于	卑	爲	涉	蘇		
								秦前					
								燕後					
								秦後					
								燕南					
								夏					
								涼前					
								蜀					
								涼後					
								秦西					
								涼南					
								涼西					
								涼北					
								燕北					

十六國春秋輯補 年表

黔縣湯球撰